

შინაური საქმეები

№ 14.

კვირა, 4 აპრილი, 1910 წ.

ადრესი: ქუთაისი „შინაური საქმეების“ რედაქცია

ყოველკვირეული გაზეთი.

შინაარსი: ჯვარცმა, რა საჭიროა ლოცვა?—
ონოფრე მწირისა; ღვთაება ქრისტესი (შაფვიდანი).
კოლქრომობა.—დეკ. მარკოზ ტყემალაძისა; ნარკვევი—ბ)
სამოქალაქო ქორწინება და ფინლიანდელი ქალები;—ბ)

ტელეფონი „სტოკვოლმ—პარიზი“; საღამო საბავშვო ბა-
ღში.—ტ; დაფარული და გამოაურკვეველი;—კალუა-
თელი ბართლომესი.

ეთრნალი „შინაური საქმეები“ წლიურ ზედმომწერლებს დაურიგებს კრებით
შაფუის თხუზულებას „იესო ქრისტე საქმიროვლება ისტორიისა“.

ყოველკვირეული გაზეთი

„შინაურ საქმეებზე“

ხელის მწერა მიიღება რედაქციაში, ქ. ქუ-
თაისში (საბურთალო—კახაკოვის შესახვევში
№ 17) და თბილისში გამომცემელთან სომხის
ბაზარში.

წლიური ფასი 4 მან. ნახ. წლით 2 მ. ზ ნო კ.

გაზეთი ღებულობს დასაბეჭდად
ყოველგვარ განცხადებებს.

კვარცხმა

(ფარარით)

ადესწულა!

არავითარ სიცრუეს არ შეეძლო შეეგინე-
ბია ჯვარცმული. იგი ჯვარცმულადაც კი მეფობ-
და; იქაც ღვთივამაღლებული იყო იგი
მღვდელმთავრებზე, რომლებმაც ჯვარცხ
გააკრეს, ტლანქ, უსაქმო, უნამუსო ბრბოზე,
რომელიც შეკრებილიყო, რომ დამტკბარიყო
მისი ტანჯვით. მდაბალი სიბოროტე
უძლური იყო მის წინააღმდეგ, რომლის

სულიერი და ზნეობრივი სიდიადე ტანჯვა-
წამების უფსკრულიდამაც კი კრძალულებას
უმრავლა მომაცდავ ავაზაკებს და წარმართთა
ჯალათებს, რომელ მმართვლის (პილატეს)
ბოროტ დაცინვაში უთუოდ იყო ნაპერწკალი
ღარბისელ მსჯელობისაც. თავის საძველ
ქვეშევრდომთა შურისძიების ბოროტ-განძრა-
ხვასთან, პილატეს უთუოდ სახეში ჰქონდა
გამოეთქვა ის აზრიც, რომ იგი (იესო) იყო
ერთი მხრით მეფეც ურიათა—უუდიადესი,
უუკეთილშობილესი და უუმართლესი კაცი
თავის ხალხში, რისთვისაც იგი ხალხმა ჯვარს
აცვა. მეფე კი არ იყო უღირსითვის სამეფოსა,
არამედ სამეფო—მეფისა. გაცილებით უფრო
უდიადესი, ვიდრე მეფობა, გამოკრთოდა მის
მშვიდ მართალ თვალთვან, რომლებიც მიპ-
ყრობილი იყვნენ მართალთა ქალაქისადმი,*)
რომელიც ეხლა გახდა ქალაქად კაცის მკვლე-
ლთა. იუდელები ზედმიწევნით მიხვდნენ პილა-
ტეს ბოროტ დაცინვას. ამან სრული-
ად მოსწამლა მათი ველური დღესასწა-
ულობა და მათ მიუგზავნეს პილატეს
მოციქულები მღვდელთაგან და სთხოვეს
გამოეცვალა მათი აღმაშფოთებელი წარწერა.
„ნუ დასწერ ესრეთ, ეუბნებოდნენ ისინი, მეფე
ურიათა, არამედ დასწერე რომ იგი ამბობდა:

*) იერუსალიმისადმი.



მე ვარ მეუფე ურიათა... მაგრამ პილატეს გაბედულება, რომელიც სწრაფად გაჰქრა კეისრის სახელის ხსენებაზე, ხელახლა განცობდა. ის მოხარული იყო რამე გზით ეწყენინებია და წინააღმდეგობა გაეწია იმ ხალხისთვის, რომლის შფოთიანმა ყვირილმა აიძულა იგი, მოქცეულიყო თავის სურვილის წინააღმდეგ. ბევრს არ შეეძლო ისეთი ძალით გამოეთქვა თავის მედიდური ზიზღი, როგორც რომაელებს. პილატემ ღირსიც არ განაღდა ამპარტავანი სამღვდლოება თავის ასეთ საქციელის გამართლებისა, არამედ ერთბაშით მოუქრა სიტყვა მკაფიო და ზიზღით სავსე პასუხით: „რაც დავსწერე, დავწერე“.

ჯვარიდან გარდამოხსნა, რომ შეუძლებელი გაეხადათ (ცნობილია შემთხვევები, როცა ჯვარცმულებს ხსნიდენ ჯვრიდან და ასულიერებდენ), ჯვარ ქვეშ ოთხი დარაჯი დააყენეს ასისთავითურთ. ჯვარცმულების ტანისამოსი ყოველთვის მათი იყო, ვინც ამ მძიმე და არასასიამოვნო მოვალეობის ასრულებას კისრულობდა. ამიტომ მხედრებმაც ხელი მიჰყვეს ი. ქრისტეს ტანისამოსის დანაწილებას და სრულიადაც არ ფიქრობდენ, თუ როგორ ზედმიწევნით ასრულებდენ იგინი ამ დროს ძველ წინასწარმეტყველებას ამის შესახებ. თალითი (წამოსასხამი) ოთხთა გაღლიჯეს, უთუოდ ნაკერავებზე, კეტონეთი ანუ კვართი (პერანგი) კი, რომელიც მთლიან ნაქსოვს წარმოადგენდა, გადასწყვიტეს წილის ყრით გაეყოთ, ვისაც ერგებოდა, რადგანაც მისი გაქრა, მისი გაფუჭება იქნებოდა. გაყოფა რომ გაათავეს, მხედრები დასხდნენ და სცივიდენ ჯვარცმულებს; რომ არ მოსწყენოდათ, ქამა-სმით, მუსაიფით და თამაშით ატარებდენ დროს.

სანახაობა აღმაშფოთებელი იყო. უმრავლესობა იღგა და შეჰყურებდა ჯვარს; მაგრამ ზოგიერთი გამვლელ-გამოვლელნი, ზოგიერთი შეიძლება ცრუ მოწმენიც და სხვა ბოროტ-განმძრახველნიც ჯერ კიდევ დასცინოდნენ ქრისტეს უშვერი სიტყვებით, განსაკუთრებით კი წინააღმდეგობას აძლევდენ მას გარდამოსულიყო ჯვრიდან, თუ იგი ისეთი ძლიერების

პატრონი იყო, რომ შეეძლო დახსნა ტაძარისა და სამ ღღეში აშენება მისი. თვით მღვდელმთავართაც; მწიგნობართა და მოხუცებულთა რომლებსაც უფრო ნაკლები აღშფოთება და გულშემატკივარმა ემჩნეოდათ, ვიდრე მდაბიო ხალხს, არ სცხვენოდათ თავისი ქაღარის და ღირსების შებლაღვისა, და გაბოროტებულ უმცირესობასთან ერთად ბასრობდენ იესოზე.

ვერც წამებულის ტანჯვამ, ვერც უღმობელმა ვნებამ, ვერც უკვე დასაბნელებლად გამზადებულ თვლების გამომეტყველებამ ვერ დააკმაყოფილა მათი ბოროტი შურისძიების გრძნობა და იგინი თვით ჯვრის ძირში მჭირდავი კანდიერებით ეუბნებოდნენ ერთმანეთს „სხვანი აცხოვნა, თავი თვისი ვერ ძალუძს ცხოვნებად ქრისტესა მეუფესა ისრაელისასა, გარდამოხდეს ეხლა, თუ შეუძლია, ჯვარიდან, რათა ვიხილოთ და გვრწმენეს.“ სრულებით გასაკვირვალნი არ არის, რომ რეგვენმა მხედრებმაც მიიღეს მონაწილეობა ურცხვ მღვდელმთავრების ასეთ ბასრობაში; გასაკვირვალნი არ არის, რომ იგინი ქამის დროსაც თავს იქცევდნენ მომაკვდავ ტანჯულობაში, მიართმევდნენ მას ძმარს და იმეორებდნენ ებრაელების ბასრობასმეფის უძღურებაზე, რომლის ტახტს ეხლა შეადგენ და ჯვარი და სამეფო გვირგვინს—ეკლის გვირგვინი. ეს კიდევ ცოტაა, საცოდავ ავაზაკებსაც კი გადაედეთ ეს სენი. ამხანაგები, შეიძლება განთავისუფლებული ბარაბასი, მემკვიდრენი იუდა გავლონიტის სიკოფისა, რომელნიც მხოლოდ ერთ მესიას იცნობდენ მესიას მახვილისა და ცარცვა—გლეჯისას, ლანძღვა ვინებით იხსენიებდნენ იესოს და ეუბნებოდნენ: „თუ შენ ხარ ქრისტე იხსენ თავი თვისი და ჩვენცა“.

ამ ნაირად ჯვარცმულის გარშემო ვაისმოდა ხმები ღვთის გამოძისა და ბოროტებისა, და მთელ ხანგრძლივ სასიკვდილენ ტანჯვათა შორის მის ყურს არ სმენია ერთი მადლობის ამოძახილიც, ერთი თანაგრძნობის და სიყვარულის ხმა. სიმდაბლენ, სიცრუენ, მხეცობა, სიციფენ—აი რით იყო წამდგარი კაცობრიობა, რით შეეგება იგი თვის მაცხოვრის ცნობიერების უკანასკნელ დაშრეტას, აი როგორი კაცთა უსჯულობის

ნაკადული ღელავდა ჯვარ ქვეშ, ქრისტეს თვალწინ.

მაგრამ იესო სდუმდა. მას შეეძლო ლაპარაკი; ჯვარცმის ტანჯვები ვერ უზნელებდა გონებას, ვერ აბრმავდა შეტყველებას. ჩვენ ვიცით, რომ ბევრი ჯვარცმული, მთელი საათობით ჯვარზე დამოკიდებული, თითოეული თავისებურად აცხადებდა თავის მწუხარებას სიცოფეს ან სასოწარკვეთილებას, სხვანი გიჟდებოდნენ და იწყევლებოდნენ. აფურთხებდნენ თავის მტარვალებს; სხვანი კიდევ სულმდაბლად თხოვლობდნენ შებრალებას; ხოლო ერთი თვით ჯვრიდგან, როგორც ტრიბუნრიდგან, ამხილებდა თავის თანამემამულეთა ბრბოს სიგლახესა და ბიწიერებაში. ხოლო ი. ქრისტეს არა უთქვამს რა, გარდა სწავლისა და კურთხევისა, გარდა იმისა, რაც სხვათა სიკეთეს და ბედნიერებას არ შეეხებოდა. მიუხედავად ყოველგვარი განკიცხვისა მღვდელმთავართა, სინედრიონის წევრთა და გამგლეღ—გამომვლელთა, მხედართა და ამ საცოდავ ავაზაკთა, რომლებიც მასთან ერთად იტანჯებოდნენ, როგორც წინეთ გასამართლების დროს, ისე ეხლაც ჯვარზე, არ დაურღვევია თვისი მეფური სიჩუმე.

მაგრამ ეს სიჩუმე შეერთებული მისი სიდიადესა სიწმიდესა და უმანკოებასთან უმკვერმეტყველესი იყო ყოველ სიტყვაზე. პირველ ყოვლისა მან მოხიბლა ერთი ჯვარცმული ავაზაკთაგანი. ეს „კეთილი ავაზაკი“, პირველად, სჩანს, თითონაც შეფურთდა თავის ამხანაგს საყვედურში; მაგრამ, როცა ეს საყვედური ღეთის ველურ გმობად გადაიქცა, მან გამოსთქვა ის, რაც გულში ედვა. უთუოთ ის ხშირად შეხვედრია მაცხოვარს, მოუსმენია მისი მოძღვრება და სხვებთან ერთად მოწამე ყოფილა მისი სასწაულებისა. გადმოცემა უწოდებს მას სახელად დისმას, და გვაუწყებს მანვე მშვენიერ მოახრობას, რომ მან გადაარჩინა სიკვდილს ღეთისმშობელი და ყრმა მისი, როდესაც იგინი ივლტოდნენ ეგვიპტედ. ყოველ შემთხვევაში ძალიან შესაძლებელია, რომ იგი ხშირად შეხვედროდეს იესოს გენესარეთის ქალებში, გამოძაველი რომელიმე ავაზაკის

თავშესაფარ მღვიმიდგან, რომლის მსგავსი ბევრი იყო მტრედების ქალის ველურ ღრადოებში, და უთუოდ იყო ერთი იმ მუხვერეთა და ცოდვილთაგანი, რომლებიც ხშირად მოდიოდნენ მის ტკბილ მოძღვრების მოსასმენად. და მაცხოვრის სიტყვამ ჰპოვა მის გულში კეთილი კუნჭული: ყველა არ დაცემულა ქვიან ადგილზე და ეამსა სირცხვილისა და სიკვდილისასა, როცა იგი იმკიდა თავის მოქმედების სამართლიან სასჯელს, საბრწუნოებამ გაიმარჯვა მასში. როგორც მირთულურ კერაზე ხანდიხან იფეთქავს ხოლმე ალი, ეგრეთვე ცოდვილი ცხოვრების ნაცარქვეშ, რომელიც სკლად დაწოლოდა ავაზაკებს გულზე, ჯერ კიდევ არ გამქარალიყო ალი სიყვარულისა ღეთისა და მაცხოვრისადმი. ყველა ჯოჯოხეთურ ამოძახილსა და ღაღადებაში, რომელიც გაისმოდა ირგვლივ მაცხოვრის ჯვარისა, ისმოდა რაღაც საიდუმლო სამძიმო წინათგრძნობა. ზოგი მათგანი შედეგი იყო ექვისა და შიშისა. მღვდელმთავრების და მწიგნობრების სიხარულშიდაც ისმოდა რაღაც დაფარული შიშის გრძნობა. რა იქნება, რომ ეხლაც მოხდეს რომელიმე დიდებული-სასწაული? რა იქნება, რომ ეს ტანჯული სხეული უეცრად აენთოს მესისის სიდიადით, და მეფემ, რომელიც ეგულვებოდათ სამარცხვინო სიკვდილის უკანასკნელ ცეცხლში, უეცარ სიმკაცრით მოუწოდოს ანგელოსთა ღვეგონს და, ჯვრიდგან გადმოსულმა, ღრუბელთაზედა ცისათა, აღსაშინა ცეცხლისასა იწყოს შურის ძიება მტერთა თვისთაზედა? თვით ჰაერი თითქოს გაუენთილი იყო სასწაულებით. ცა ბნელდებოდა, დედა მიწა ძაგძაგებდა და ირგვლივ გრძნობდნენ რაღაც საშიშარ მოჩვენებათა ქროლვას, რომლებიც თავს დასტრიალებდნენ საშინელ, შემადრწუნებელ სანახაობას და თავხარს სცემდნენ მაყურებლებს. მომაკვდავი ავაზაკი იმდამკირებას, და სისუსტეს, რომლებიც ასე ეწინააღმდეგებოდნენ ყოველივეს, რისაც მას, იმედი ჰქონდა, ჯერ ნახევრად ზიზღის და ნახევრად სიბრაულის თვლით უყურებდა; მაგრამ ეხლი ეს სისუსტე მოეჩვენა მას ძლიერებაზე უძლიერესად, ეს დამკირება გამარჯვებაზე უფრო სახე

ლოცვანდ. როცა ის მაცხოვარს ხედავდა, სარწმუნოების ნაპერწკალი თანდათან უღვივდებოდა გულში და ბოლოს გადაიქცა მთელ ილათ. დიდი ხანია მან თავი დაანება ბასრობას; ეხლა იგი უკვე ესაყვედურება თავის ამხანაგს გმობისათვის. ნუ თუ ამ მათ შორის ჯვარზე დამოკიდებულის უმანკობას არ უნდა შეერცხვნინა და გაეჩუმებია იგინი, რომელნიც სამართლიანად ისჯებოდნენ? და შემდეგ ავაზაკმა მიიბრუნა პირი მაცხოვრისაკენ და ლმოგიერად დალაძყო: „მომიხსენე მე, უფალო, ოდეს მოხვიდე სუფევითა შენითა“. მაშინ მან, ვინც აქამდე სდუმდა და ერთი სიტყვიც არ გასცა პასუხი ათასნაირ ლანძღვა-გინებაზე, მყისვე უპასუხა ავაზაკს: „**ამინ ვაძაჟი ვინ, დღეს ჩამთანა იყო სამოთხანა ვინა!**“

რა საჭიროა ლოცვა?

გაზაფხულის კვირა დილა იყო. კეკლეულად ამწვანებულ გორაკიდან დიდ-მარხვის ზარა მგლოვიარე ხმით ხანგამოშვებით უკრავდა, თითქო ძახილით დიქანცაო. ეკლესიის გალავანში რამოდენიმე პირს ორ ახალგაზღვას გარშემო თავი მოეყარა და სმენად გადაქცეულიყო.

— რა საჭიროა ლოცვა? ნუ თუ ღმერთს ჩემი ხვეწნა სჭირია? ნუ თუ არაფერს მომცემს, თუ არ შევაქვ და არ ვადიდებ? ეკამათებოდა ერთი ახალგაზღვა მეორეს.

— შემტდარი წარმოდგენა გქონიათ ლოცვაზე; მე მისთვის კი არ ვლოცულობ, რომ ეს ღმერთს ესაჭიროება. მისთვის კი არ ვებევწები, რომ იძულებულდყო შემეწიოს. ჩემი ლოცვა ჩემი შინაგანი სულის განწყობილების გამოხატვაა და, როგორც ასეთს, მას ღრმად ძირი აქვს ჩემს ბუნებაში. შეგიძლია რამე მშვენიერი და დიდებული იხილო და, თუ შურიტ არ ხარ შეპყრობილი და სიყვარული გაერთებს მასთან, ქება დიდება არ შეასხა მას? შეგიძლია კეთილის მყოფელისადმი მალ-

ლობა არ აღგეძრას გულში? შენ თითონ არა ხარ, რომ ქებას ასხამ და ადიღებ ხელოვნებას, პოეზიას და მათ გმირებს და ამას განა მისთვის ჩადიხარ რომ გენიოსებს ესაჭიროებათ ეს შენი შესხმა!?

ლოცვა ნაკადულია ქება—მადლობის გრძნობისა ყოველად ბრძენ და სახიერ ღვთისწინ. ლოცვა შედგება ღვთისა და კაცის კავშირის მიერ ადამიანში გამოწვეულ გრძნობათა გამომეტყველი. რასაკვირველია, თუ შევხედავთ ლოცვას, როგორც ფასს, რომელსაც ღმერთი თხოულობს შენგან, მაშინ იგი ყოველად შეუწყნარებელია, მაგრამ ასეთი წარმოდგენა ლოცვაზე შეუძლია იქონიოს იმან, ვისაც არასოდეს არ ულოცია, ან არ ჩაკვირებია ლოცვის შინაარსს; როგორც ვთქვი, ლოცვას, მის შინაარსს, მის სულისა და გულის სიტყვები კი არ შეადგენენ, არამედ ის გრძნობა და სულიერი განწყობილება ადამიანისა ღვთისადმი, რომლის გამოხატველი არიან სიტყვები. ამნაირად ლოცვა მორწმუნისათვის პსიხოლოგიურად აუცილებელია, როგორც შედეგი ღმერთან კავშირისა.

— კარგი. მესმის ლოცვა, როგორც ქება და მადლობა ღვთისა, მაგრამ არ მესმის თხოვნა ლოცვაში. ღმერთმა ხომ იცის მე რაც მჭირია და ჩემზე მეტათ სურს ჩემი სიკეთე, მაშ რა აზრი აქვს ჩემ მის წინ თხოვნას?

— მე მისთვის კი არ ვთხოულობ, ღმერთს რომ შევატყობიო რაც, არ იცის, ან ვაქნევიო, რაც არ უნდა. ღმერთმა ყველაფერი იცის და ყველასთვის და ყოველთვის კეთილია და მოწყალე, მაგრამ ეს მოწყალეობა მაშინ გადმოდის ადამიანზე, როცა მისი თავისუფალი ნება, მისი სურვილი არის შეერთებული ამ მოწყალეობის მიღებასთან. თხოვითი ლოცვას კავშირი აქვს ადამიანის თავისუფლება-თვითმოქმედებასთან. ადამიანს რომ უთხრა: გაჩუმდი, შენ ნუ თხოულობ, დარდი ნუ გაქვს, ღმერთმა იცის, შენ რაც გინდაო, ამ სიტყვებით თქვენ ზღუდავთ მის თვით-მოქმედებას და ხელს ადღე-

ბიებთ მას თვალ-ყური აღევნოს და შეიგნოს თვისი საქიროება. ადამიანის გონიერება-თავისუფლება თხოულობს, რომ მან თვისი საქიროება თვით იგრძნოს, მისი დაკმაყოფილება ისურვოს. ეს შეგნება-განცდა საქიროებისა და მისგან განუყოფელი სურვილი შემწეობისა ბუნებრივად მიმართული შემძლე და მოწყალე შემოქმედისადმი, სხვა არა არის რა, გარნა ლოცვა შინაგანი, რომელიც, როგორც სხვა ყოველი გრძნობა ადამიანისა, პსიხოლოგიური აუცილებლობით გარეგან გამოიხატება. თხოვითი ლოცვა შედგება ადამიანისაგან თავის უღონობის და შეწვევის საქიროების გრძნობისა.

თქვენ საქიროდ არა თვლით თხოვითი ლოცვას, ჩემის აზრით, ეს მისთვის რომ არც არაფერს საქიროებთ ღვთისაგან, და ეს მანამდი, სანამ ქვეყნიური სიტუბოება ნექტარს ასმევს თქვენ მჭქვეარ სურვილებს, მაკრამ საკმარისია, დაგტოვოს ამ სიამოვნებამ, რომ მარტობის და უმწეობის გრძნობამ შენში მორთოს ღაღადი შემწეობაზე. ამის მავალითები ბევრი მოიპოვება ისტორიაში. ადამიანები, რომელნიც სიცოცხლეში საქიროდ არა თვლიდენ არავითარ ღვთის-მსახურებას და თვით ღმერთსაც, სიკვდილის ქამს მხურვალე სინანულითა და ლოცვით ეთხოვებოდენ სასიკვდილენ სარეცელს. წარმოიდგინეთ თქვენი თავი მღელვარე ზღვაში წამ და უწყიმ დანთქმის მომლოდინე გემზე და დაეკითხეთ თავს: შეგიძლიათ თუ არა ამ შემთხვევაში არ თხოვოთ ღმერთს შემწეობა?

მოწინააღმდეგე ახალგაზდა გაჩუმდა და ჩაფიქრებული თვალები ამწვანებულ მდელის მიმართდა. მნათემ ყველა ზარებს ჩამოკრა. თამბობდილი ხალხი ხშირი პიჯგრის წერით სასოებით შედიოდა ეკლესიაში. „შეხედე ხალხს! მიუბრუნდა ახალგაზდა გაჩუმებულ თანამოზაასეს, — აი ცოცხალი პასუხი შენს კითხვებზე. ლოცვა — ეს უკეთესი და უმაღლესი წუთია მათ ცხოვრებაში. ამოვებით მოქანკული სული აქ ცხოველდება, მალღდება, ძლიერდება. მწუხარე საყვარელ პირის დაკარგვით, დატანჯული ავით-მყოფობით, შეი-

წროებული სიღარიბით, დამონებული ძლიერთა მიერ აქ ღებულობს ნუგეშს, აქ მაგრდება სულით. მარად საამქვეყნო საქმეებში გართული სული აქ იხსენებს თავის დანიშნულებას, თავის მოწოდებას. ლოცვა ფრთებია, რომლითაც ადამიანი მალღდება წუთიერ ცხოვრებაზე, ქვრეტს უმაღლეს იდეალს და უკვდავ მომავალს უკავშირდება. თუ ბუნებრივ და განმაკეთილშობილებელ მოვლენად მიაჩნიათ პოეზია, რომელშიაც ადამიანი ხატავს თავის იდეალს და გამოსთქვამს თავის გრძნობებს, მაშ რისთვის არაა საქირო ლოცვა, ეს უმაღლესი და უწმიდესი პოეზია, გამოხატეული ადამიანის უწმიდეს გრძნობათა და მისწრაფებათა!..

ონოფრე მწირი.

ღვთაება ქრისტესი

(მაფეფის თხუზულები დგან „ქრისტე საკვირველება ისტორიის“).

როდესაც ღმერთი გამოეცხადა მოსეს ცეცხლმოდებულ მაცვლის ბუჩქში, უბრძანა მას ფებთ გაეხადნა, რადგანაც ალაგი, რომელზედაც ის იღვა, იყო წმინდა მაშ როგორი კრძალვით და საღვთო ძრწოლით უნდა შეუდგეთ ჩვენ ღიადი სანამღვლისღვთის ხორციელად მოსვლის-განხილვის, რომელთანაც მოსეს ხილვა იყო მხოლოდ აჩრდილი და მოსწავება.

ცხოვრება და ხასიათი იესო ქრისტესი არის ქეშმარიტად წმიდა წმიდათა მსოფლიო ისტორიისა. განვლო უკვე თვრამეტმა საუკუნემ, რაც აღსრულდა ქამი და ქრისტე მოვიდა ქვეყნად დაცემულ კაცთა ნათესავის გამოსახსნელად ცოდვისა და სიკვდილისგან და ცხოვრების დაუშრეტელ წყაროს აღმოსაცენებლად. ათას წლობით ქვეყანაზე მოელოდნენ მის მოსვლას, როგორც ყოველთა ერთა სასოებას და თათსნივე წელნი მიუთხრობენ მისს ძლიერ მუუფებას. მთელი ქვეყნის უკეთილშობილეს

და უმჯობეს კაცთათვის ის არის საგანი არა მარტო უწმიდესი სიყვარულისა და უწრფელესი მადლობისა, არამედ საგანი ღვთაებრივი თაყვანის ცემისა და გაღმერთებისაც. მისი სახელი ყველა სახელზე უმაღლესია, რომლის წოდებაც კი შეიძლება ცათა შინა და ქვეყანასაზედა, ეს არის ერთად ერთი სახელი, რომელშიაც ცოდვილს შეუძლიან ჰპოვოს ნეტარება. იგი არის მიზეზი ახალი ქმნილებისა, გზა, ქეშმარიტება და ცხოვრება. იგი არის წინასწარმეტყველი, მღვდელმთავარი და მეუფე განახლებული კაცობრიობისა; იგი არის გამანათლებელი, ღმერთი ჩვენთანა, საუკუნო სიტყვა ხორცშესხმული, ქეშმარიტი ღმერთი და ქეშმარიტი კაცი, განუყოფელი პიროვნებით, მაცხოვარი სოფლისა.

ეს შეადგენს მთელი საქრისტიანო ეკლესიის სარწმუნოების საგანს, ბერძენთა, ლათინთა და ევანგელიელთა, განათლებული ქვეყნის ყველა მხარეებში. რაც უნდა დაშორებულნი იყვნენ ერთმანეთისგან სხვა და სხვა აღსარებანი, სხვა და სხვა საზოგადოებანი სწავლით და წესრიგით, ქრისტეს სიყვარულსა და თაყვანისცემაში ყველა ისინი თანახმანი არიან. იგინი ყრიან იარაღს, როცა უახლოვდებიან ზეთლემის პაგას, ან ჯვარს გოლგოთაზე, საცა დაიბადა და მოკვდა ქრისტე ჩვენი ცოდვებისთვის, რათა ჩვენ მოგვანიჭოს საუკუნო ცხოვრება ზეცას. ის არის საღვთო შერიგება კაცთა ყოველ გვარ სექტებისა და აღსარებისა, საზოგადო შუაგული ალაგი ყველა ქეშმარიტ ქრისტიანეთა, ალაგი, საცა ერთდებიან მათნი გულნი სიყვარულით, ღოცვით და სასოებით, ივიწყებენ ყოველგვარ აზროვნულ უთანხმოებათა თეორიებსა და შეხედულობებსა. სწავლა-მოდერება და დადგენილებანი, ღვთის მსახურება და წესები, მეცნიერება და ხელოვნება მთელი საქრისტიანოსი გამოსახვენ იმ წარუხოციელი შთაბეჭდილების მოწმობას, რომელიც მოახდინა ქრისტემ ქვეყანაზე. აურაცხელი სიმრავლე ტაძართა არის, აგრეთვე, ცოცხალი სამადლობელი ძეგლი მისი წმიდა სახელისა და მათსი ქებითი საგალობელნი, აღმავალნი მისდამი ქვეყნის თითოეული კუთხის საზოგადო

სამლოცველო ადგილებიდან და წყნარი სენაკებიდან, მარადღე აღიდებენ მას. იგი ეხლა უფრო ძლიერია, მისი სუფევა ეხლა უფრო ღრმად ვიდრე ყველა ერთი მოიდრეკენ მის წინაშე მუხლს და ეამბორებიან მის სიმართლის და მშვიდობის სკიპტრას.

ნეტარია, ვისაც ძალუძს ირწმუნოს, რომ ქრისტე არის ძე ღვთისა და წყარო ნეტარებისა! ქეშმარიტი სარწმუნოება არ არის ბუნების საქმე, არამედ საქმე ღვთისა, რომელიც მოქმედობს კაცის სულზე სული წმიდით, რომელმაც გამოგვიცხადა ჩვენ ქრისტე მისი ქეშმარიტი არსებით, როგორც ქრისტემ გამოგვიცხადა მამა. „არა სისხლთა და ხორცთა გამოგვიცხადეს შენ, არამედ მამამან ჩემმან ზეცათამან“, უთხრა იესომ პეტრეს, როცა მან დაუმოწმა თვისი დიდებული აღსარება. სარწმუნოება თვისი განმანათლებელი და მაცხოვრებელი ძალით არ არის დამოკიდებული მეცნიერებაზე და სწავლაზე. ის ერთნაირი სიადვილით აღენთება, როგორც მცირეწლოვანი ბავშვის, ისე უმეცარ მონის გულში. განსაკუთრებული დიდება მაცხოვრისა და მის სჯულისა გამოიხატება იმაში, რომ ის ერთნაირად ეპყრობა ყველას განურჩევლად სქესისა, პასაკისა, ეროვნებისა და მღვდმარეობისა; მისი მაცხოვრებელი მადლი ეფინება ყველა მონანულს და მორწმუნეს. „რასაც ვერ ხედავს ვერცერთი გონება გონიერთა, ის შეითვისების ყრმის გულის სიმარტივით“.

გარნა ეს ფაქტი არ უარყოფს აზრისა და დამტკიცების საჭიროებას. განცხადება არის ზესთაბუნებრივი საქმე, რომელიც აღემატება გონებას, მაგრამ იმავე დროს ის არ არის არაბუნებრივი და არა ხდის შეუძლებლად გამოკვლევას. პირიქით, ბუნებრივი და ზესთაბუნებრივი ორივე ერთად შეადგენენ ერთ განცხადებას და ღვთის მართველობას. ქრისტიანობა ერთგვარად აკმაყოფილებს ღვთის ხატად და მსგავსად შექმნილი კაცის, როგორც უღრმეს გონებრივ, ისე ზნეობრივ და სარწმუნოებრივ მოთხოვნილებებს. იგი არის განცხადება ქეშმარიტებისა და ცხოვრებისა.

სარწმუნოება და ცოდნა არ შეადგენენ ერთმანეთის მოწინააღმდეგობას, არამედ ერთმანეთის შემაჯავებელ ძალებს, არა მტრებს, არამედ ერთმანეთის განუყრელ მარჩბივ დებს. სარწმუნოება არა თუ მხოლოდ წინ უძღვის ცოდნას, არამედ აუცილებლად მიჰყავს კაცი ცოდნისადმი. მეორე მხრივ ნამდვილი ცოდნის ფესვი ყოველთვის დამარხულია სარწმუნოებაში, იგი დაფუძნებულია მზედ, დამხმარეა თვით სარწმუნოებისა. ცოდნას და სარწმუნოებას ესე შეერთებულად ვბოვებთ ჩვენ პეტრე მოციქულის დიდებულ აღსარებაში, როცა ის ყველა მოციქულთა სახელით აღიარებს: „ჩვენ გვრწმუნა და გვიცნობიეს, რამეთუ შენ ხარ ქრისტე“. დიხ, ისინი ისე მქიდროთ არიან შეკავშირებულნი ერთმანეთთან, რომ ნეტარი აგვისტინეს, ანზელმის და შლეერმახერის ნათქვამი: „სარწმუნოება წინ უძღვის ცოდნას“, ჩვენ შეგვიძლია ვთქვათ ესრე: „ცოდნა წინ უძღვის სარწმუნოებას“, რადგანაც არ შეგვიძლიან ვარწმუნოთ რამე, თუ საზოგადო ისტორიული წარმოდგენა მაინც არა გვაქვს მის ყოფნასა და არსებობაზე. სარწმუნოება თავისი უმდაბლესი ფორმითაც კი, როგორც დამორჩილება ღვთაებრივი ავტორიტეტისა, ცნობა მისი განცხადების ქეშმარიტებისა იმოდენადვე არის მოქმედება სულისა და გონებისა, რადენადაც ნებისა და გულისა. ამიტომ სარწმუნოების უწინდელ განმარტებას შეადგენდა შემდეგი სამი მუხლი: ცოდნა, თანხმობა და დარწმუნება. ჩვენი სარწმუნოება მოითხოვს არა ბრმა, არამედ შეგნებულ და გონიერ რწმენას და რაც უფრო ძლიერია და მხურვალე ის, მით უფრო მეტი სიმარჯვით შეჰყავს კაცი თვის საუკუნო და წმიდა შინაარსის ღრმა შეგნებაში.

როგორც ცხოველი სარწმუნოება ქრისტესი არის სული და შუაგული ქრისტიანობის პრაქტიკული მხრისა და ყოველისავე კეთილმსახურებისა, ისრევე ნამდვილი სწავლა ქრისტეზედ არის სული და გული ყოველი საღი ღვთისმეტყველებისა. წმიდა იოანე ღვთისძის კაცობრიობას უარყოფას ანტიქრისტეობის ნიშნად სთვლის და, მაშასადამე, ამ ქეშ-

მარიტების რწმენა მას მიაჩნია ქრისტიანობის მთავარ ნიშნად. განხორციელება საუკუნო სიტყვისა და ღვთაებრივი დიდება, მანათობელი მის კაცობრიობის ფარდიღვან, შეადგენს დიდ თემას მისი სახარებისას, რომელიც იოანემ, როგორც იესოს საყვარელმა მოწაფემ და ერთგულმა მეგობარმა, დასწერა ქრისტეს გულის გავლენისქვეშ ანგელოზის კალმით. სამოციქულო აღსარება სარწმუნოებისა, გამოთქმული პეტრეს სიტყვებში, განსაკუთრებული ძალით აწინაურებს სწავლას ქრისტეზე და აყენებს მას მამა-ღმერთზე და სულიწმიდაზე სწავლის შუა. ძველი მსოფლიო ღვთისმეტყველების განვითარება დაიწყო და გათავდა ძღვევა-მოსილი დაცვით ამ სწავლის უმაღლესი წერტილისა ქრისტეს ქეშმარიტ ღვთაებაზე და კაცობაზე. ამ ღვთისმეტყველებამ გაუძლო ურიათა და ევიონიტთა მაწვალებლობის ბრძოლას, რომლებიც უარყოფდნენ ქრისტეში ღვთაებას და წარმართულ გნოსტიციზმს, რომელსაც იესო ქრისტეს კაცობა მიაჩნდა მხოლოდ მოჩვენებათ აჩრდილათ. ღვთისმეტყველება თვისი ნამდვილი და შეუშლელი სახით არის ქრისტელოგიური ღვთისმეტყველება და წარმოადგენს სწავლას ქრისტეზე, როგორც ღმერთ-კაცზე; ეს იდეა არის ქეშმარიტად წვერი როგორც მტკიცე, ისე რღვევად ეკლესიისა. სიტყვა ქრისტესი არის ნამდვილი სარწმუნო სახელმძღვანელო ქეშმარიტებისადმი; საქმე ქრისტესი არის ერთად ერთი მარად მიმდინარე და დამაკმაყოფილებელი წყარო ქვეყნისა.

ქრისტეს პიროვნებაზე სწავლის მოთხოვნა ჩვენ შეგვიძლიან დავიწყოთ ზევიდან, თანახმად წმ. იოანეს სახარების შესავალისა, ქრისტეს საუკუნო შობიდან, განვლოთ შექმნა და ძველი აღთქმის მომზადებითი სახლთშენება, ვიდრე მივიდოდეთ მის განხორციელებამდე და მის ქეშმარიტ კაცობრივ ცხოვრებამდე კაცთა ნათესავის საცხოვნებლად. ან ჩვენ შეგვიძლიან, სხვა მახარებლებთან ერთად, დავიწყოთ ქრისტეს შობიდან მარიათ ქალწულისგან, განვლოთ თანდათან ერთმანეთის მიმყოლი საფეხურები მისი ქვეყნიური ცხოვრებისა, მისი სიტყვებისა, და სასწაულებისა, ვიდრე ავიდოდეთ მის

შესვლამდე ზეციურ დიდებაში, რომელიც მას აქვდა უწინარეს ქვეყნის დაბადებისა. ორივე შემთხვევაში შედეგი ერთი და იგივე იქნება, სახელდობრ, რომ ქრისტემ შეაერთა თავის პიროვნებაში სისრულე ღვთაებისა და სრული სავსება უცოდველი კაცობისა.

ძველი დროის ღვთისმეტყველები იესოს ღვთაებას მეტ ნაწილად ამტკიცებდნენ სასწაულებით, რომლებსაც ის იქმოდა, წინასწარმეტყველებით და მომასწავებელი ნიშნებით, რომლებიც მან აღასრულა, საღვთო სახელით, რომელსაც ის ატარებდა და საღვთო თვისებებით, რომლებიც მას ეკუთნიან და ღვთაებრივი დიდებით, რომლის უფლებაც მას ჰქონდა, რომლითაც აღიდებდნენ მას მოციქულები, რომლითაც აღიდებს მთელი საქრისტიანო ეკლესია დღევანდლამდე.

მაგრამ ამის (იესოს ღვთაების) დამტკიცება შეიძლება სხვა გზითაც—ქრისტეში კაცობის სისრულეთა განხილვით; ურწმუნო მხარეც თანახმაა, რომ ქრისტეს კაცური სისრულენი ისე აღმატებთან ქრისტემდე და მის შემდეგაც სრულ კაცობრივ დიდებას, რომ მათი გონიერულად ახსნა შეიძლება მხოლოდ ღვთაების და კაცობის ქეშმარიტ შერთებით, თანახმად თვით ქრისტეს და მოციქულთა მოწმობისა ამის შესახებ. რაც უფრო ღრმად ვკვრეთ ჩვენ მის ხორციელ ფარდას, მით უფრო ახლო ვხედავთ მხოლოდშობილი ძის დიდებას, მამისგან აღესილს მადლითა და ქეშმარიტებითა.

ამ გვარი პატივისცემა მაცხოვრისა არის შედეგი ახალი ღვთისმეტყველების სამსახურისა. მაგრამ ძლიერი და ვერაგული თავდასხმა თანამედროვე ურწმუნოებისა სახარების ისტორიის სინამდვილეზე სწორეთ ამიტომ ითხოვდა მის უფრო ძლიერ დაცვას და (ამ დაცვამ) მიანიჭა კიდევ ახალი გამარჯვება ეკლესიის ძველ რწმენას მისი საღვთო თავისადმი

ჩვენი გუმანისტური, კაცთ მოყვარული, მაგრამ უარყოფელი დრო უფრო ითვისებს ქრისტეს ღვთაების დამტკიცებას კაცობიდან ვიდრე ძველ დოღმატურ მეთოდს, რომელიც სხვა გზით მიდიოდა. თომასთან ერთად, რომელიც არის წარმომადგენელი პატივისცემი და

შეგნებული ექვისა მოციქულთა შორის, ბევრი უარს ამბობენ უფლის ღვთაების რწმენაზე, ვითომც იმ საფუძვლით, რომ ისინი რწმუნდებიან ამაში მხოლოდ თავის გრძნობათა მოწმობით, ან საფუძვლიანი საბუთებით. მათ სურთ შეახონ თითონი თვისნი წყლულთა მათ სამსკვალთასა და ხელნი მის გვერდებს, ვიდრე მოკრძალებით იტყუდნენ: «უფალი ჩემი და ღმერთი ჩემი»-ისინი აღვილად არ ირწმუნებენ სასწაულებს განყენებითი მსჯელობების ან ისტორიული მოწმობების საფუძვლით; მაგრამ მათ რომ შეეძლოთ ერთხელ მაინც იხილონ დიდი სასწაული—პიროვნება ქრისტესი, მისი საკვირველი საქმეები სულაც არ დააბრკოლებდნენ რწმენას, რადგანაც ზეკაცობრივმა არსებამ უთუოდ საქმეებიც ზეკაცური უნდა ქმნას, არა ჩვეულებრივმა, საკვირველმა პირმა საქმენიც არა ჩვეულებრივნი უნდა ჰქმნას; წინაღმდეგ შემთხვევაში უდიდესი სასწაულიც კი არაბუნებრივი იქნებოდა. როგორც ხეა, ნაკოფიც ისეთია. ჩვენ გვწამს ქრისტეს სასწაულები, მიტომ რომ გვწამს მისი პიროვნება ღმერთ-კაცისა და შუაგული ზნეობითი ქვეყნის სასწაულსა.

ჩვენ ვეცდებით ყველასთვის გასაგებად და დალაგებით გავარჩიოთ და წარმოვადგინოთ ქრისტეს კაცური აქსება. ჩვენ ვაჩვენებთ იესოს როგორც კაცს ნაზარეთით, ვაჩვენებთ როგორ, განცხადდა ის უსწავლელ და პატიოსან გალილეელ მეთევზურთა ცნობებით, როგორ სცხოვრობს ის ქრისტიანობის რწმენით და ჩვენ ვნახავთ, რომ ცხოვრების ყოველ მდგომარეობაში, როგორც საზოგადო ისე კერძო მოღვაწისა, ისე მალდა მდგომარედ და ისე სრულად, რომ სწორეთ ეს სისრულე არა სრულ და ცოდვილ ქვეყანაზე წარმოადგენს მისი ღვთაების დაურღვეველ საბუთს

საგნის უფრო ვრცლად განხილვისთვის საჭირო იყო განგვეხილა ქრისტე, როგორც საზოგადოებრივ ისე პირად მოქმედებაში: ჩვენ უნდა წარმოგვედგინა იგი, როგორც მოძღვარი, სასწაულთ-მოქმედი და დამაარსებელი სულიერი სამეუფოსი, რომელიც არ განისაზღვრება არც დროით, არც სივრცით. ყვე

ლა ეს ეროსა და იმავე შედეგთან მიგვიყვანდა. მაგრამ ჩვენ აწინდელი ჩვენი მიზნისთვის ვიკმარებთ მხოლოდ იესოს პირადი ხასიათის განხილვას და ეს, იმედია, საკმარი იქნება იმავე შედეგის მისაღწევად.

ნაკვეთი.

სამოქალაქო წესით ქორწინება და ფინლიანდელი ქალები.

ფინლიანდიის სეიმში შეუტანიათ მოთხოვნა (პეტეცია) ფინლიანდიაში სამოქალაქო წესით ქორწინების შემოღების შესახებ. ფინლიანდიაში სამოქალაქო წესით ქორწინების და კანონების აუცილებლობას ასაბუთებენ მით, რომ ყველა დასავლეთ სახელმწიფოებში, გარდა ბელგიისა, შემოღებულია სამოქალაქო წესით ქორწინება, ფინლიანდია კი ამ მხრით ჩამორჩენილ მხარეთ აღმოჩნდა.

ვინაიდან ფინლიანდიელები მისწრაფებიან მოწინავე ხალხთა გახდენ, ამიტომ ელიან სამოქალაქო წესით ქორწინების კანონს; ისინი უკვე ველარ ითმენენ იმ წესს ქორწინებისას, რომელიც განისაზღვრება არსებული კანონით. (Kansan Tahto №69-1910r.).

ამ პეტეციას შვიდრო კავშირი აქვს ფინლიანდიის სოციალისტ ქალთა კრებასთან, რომელიც მოხდა წასულ შემოდგოზე და რომელზედაც გამოიტანეს ორ გვარი რეზოლიუცია. უმრავლესობამ მიიღო ამდგვარი დადგენილება: „ქორწინების იძულებითი ფორმა, როგორც სახითაც უნდა იქნეს იგი, მოსაწონი არ არის, ქორწინება უნდა იქნეს აღიარებული ყველასათვის კერძო საქმეთ, მიუხედავად იმისა, ერისკაცისაგან იქნება იგი შესრულებული, თუ სასულიერო პირისაგან (პასტორისაგან). უმცირესობის აზრით უნდა იქმნეს იძულებითი ქორწინება-სამოქალაქო წესით მაინც, რასაც ასაბუთებენ მით, რომ თუ იძულებითი ქორწინება არ იქნა, ქმრები ბევრ ცოლებს გაიჩენენ და ზშირათაც გამოიცილიან.

ამ ნაირათ უმცირესობის რეზოლიუცია გამოიხატა შემდეგ ფორმაში: სინდისზე ძალდატანება, რაც ეხლა ხდება ქორწინების დროს, სამარცხენოა განათლებული ხალხისთვის და უნდა იქნეს შეცვლილი, რის მაგივრათაც შეძლების და გვართ შემოღებულ უნდა იქმნეს სავალდებულოთ ყველა მექორწინე მოქალაქეთათვის სამოქალაქო წესით ქორწინება. (Kansan Tahto № 210—1909 r). როგორც სჩანს პეტეციას საფუძვლათ დასდებია ეს უკანასკნელი რეზოლიუცია ფინლიანდიის სოციალისტ ქალთა კრებისა.

უმრავლესობა ფინლიანდიის სოციალისტ ქალთა კრებისა უცხადებს წინააღმდეგობას იძულებით ქორწინებას სამოქალაქო წესისას არა უსაფუძვლოთ, მიიღებს რა მხედველობაში ცხოვრებას (პრაქტიკას).

ფინლიანდიის გაზეთებში არის ხოლმე მოთავსებული განცხადებები ცოლებისაგან იმის შესახებ, რომ ქმარი წასული სხვაგან, ერთი წლის განმავლობაში უსათუოთ უნდა დაბრუნდეს ცოლთან, წინააღმდეგ შემთხვევაში იგი (ცოლი) გაჰყვება სხვას.

ზოგიერთი ცოლი კი ერთი წლის ვადასაც არ აძლევს ქმარს დაბრუნებისთვის. გაზეთ „Kansan Tahto, № 210—1909 წ. ჩვენ ვკითხულობთ განცხადებას: ჩემი ქმარი სამა ისოიარვი ან დაბრუნდეს მალე ჩემთან ან და გამომიგზავნოს განშორების ნებართვა, რომ მისი ადგილი დავლილად გამოაცხადო მანემდის, სანამ შემოდგეი გაფანტავდეს ყველა ზაფხულზე ჩემ მადმერთებელთ. ზელმა ისოიარვი ულესობორგი.

ამიტომ ცხადი მისახვედრია, რომ ესეთ მოწინავე ხალხს, როგორც ფინნები, ძნელათ შეუძლია შეურიგდეს ეკლესიურ კანონით ქორწინებას.

„Россия“ № 1339-1910 წ.

როგორც შეითხველი დაინახავს ზემო მოყვანილი ნარკვევიდან ვახტორწინება და თავის ნახევრის ადვილი დათმობა განათლების გაგრძელებას მიზეზად და იმის მდგომარეობას მჩვენებელი, რამდენათ

კრი განათლებულა, ფინლანდელთა აზრითაჲ, იმოდენად იგი ზერულეთ უნდჷ უუურედეს ქარწინებას, წინააღმდეგი მანუებელი იქნება მისი დაქვეითებისა სწავლაგანათლების მხრით. ეს ამავე თავბრუს დასხვევს ჩვენ ახლგაზდობას და ის ფართოდ ისარგებლებს ამ სწავლა—განათლების მანუებელ ბარამეტრით. მაგრამ ნუ დაივიწყებენ, რამ თავისუფალი მეუღლეობა და განქორწინება ცხოველთა და ველურ ხალხთა თავისებასაც შეადგენს, რომელთა შორის არავითარ სწავლა-განათლებას ადგილი არა აქვს. და უფრო ამთ თავისებას შეადგენს, ვიდრე განათლებულ კაცისას, თუ ამ უკანასკნელს არ უნდა ისევე ტყუეს დაუბრუნდეს. მაგრამ საუბედუროთ უნდა ღვნიშნოთ, რომ თანამედროვე სარწმუნოებას მოკლებული განათლება სშირად უხილება ადამიანს ტუისაკენ. ეს ჩვენი დროის საბედისწერო განსაცდელია, რომელიც განაღ ადამიანს შეუძლია თავი დაახწიოს მხოლოდ სარწმუნოების ხელმძღვანელობით. ფრთხილათ ვიყოთ, რომ ეს ათას სხვა და სხვა მოძღვრებათაგან გაუსამიფინებელი წუთასოფელია ჯოჯოხეთად არ გადაგვექცეს, სადაც მხოლოდ ექმანებს გაეძღვებინება.

რაც შეეხება კერძოდ საეკლესიო ქარწინებას, იგი ვერ დაუთმობს კაცთა დაუდგრომელ გულის თქმას და სიბოროტეს, თუ იგი წმიდად არ იქნება დანული, თუ მცნება ქრისტიანთა განქორწინების შესახებ დაურღვეველად არ შეინახება, და, იგორის თანამედროვე ცივილიზაციამ განწინალების ორმოშო, მაგრამ ვარგად იცოდეს, რომ ეს იქნება ტუისკენ დაბრუნება, ეს იქნება გაველურება, განარუტევება, ეს იქნება თავის თავის უარყოფა და გათახსნარება.

რედ.

ტელეფონი „სტოკჰოლმ-პარიზი“

ლაპარაკი რამოდენიმე ასი ვერსის მანძილზე ეხლანდელ დროში გარდაიქვა ჩვეულებრივ მოვლენად გრებებ ზელლის გასაკვირვალი გამოგონების წყალობით, რომელიც მან გააკეთა 30 წლის წინათ.

მიკროფონით გადიდებული ხმა ელექტრონის ძალის საშუალებით გარბის ლითონის მართულეზედ სპეტერბურგიდგან მოსკო

ვამდე, პარიზიდან-ლონდონამდე, რომიდან ბერლინამდე და იმ ადგილას სადაც მიიღება, აღედგინება იმავე ძალით და აკცენტით.

ხალხთა საურთიეროთა შორისო ტელეფონის შემოღებას ძლიერ ხელი შეუწყო შვედების ინჟინრების ეგნერის და გუნარ-გოლმსტრემის ახალი მიკროფონის გამოგონებამ, რომლის საშუალებითაც გაუკეთებიათ უკვე ტელეფონი სოფელს ზანდსვალსა (შვეციის ჩრდილოეთის საზღვარია) და პარიზს შუა.

პირველი ცდა ამ ახალი მიკროფონის საშუალებით (რომელიც ძლიერ აღემატება თურმე ხმის სიძლიერით ყველა აქამომდე შემოღებულ აპარატებს.) გაუკეთებიათ სტოკჰოლმსა და ბერლინს შუა წარსულის 1909 წლის მაისის გასულს და იენისის დამდეგს, რასაც შედეგი ძლიერ კარგი მოყოლია. 5-9 იენისის შვედების ინჟინრებს უკვე ტელეფონით ლაპარაკი ქონიათ სტოკჰოლმსა და კიოლნს შორის 1500 ვერსტის მანძილზე დაბოლოს 11-12 იმავე იენისისას ყოფილა ცდა ტელეფონით ლაპარაკისა პარიზსა და სტოკჰოლმს შორის 2200 ვერსტის მანძილზე. ხმის გადაცემა ყოფილა გასაკვირვალი.

სტოკჰოლმ-პარიზის ტელეფონისთვის, რომელიც გაივლიდა ფრანკფურტს, გამბურგს და კოპენჰაგენს, მიუმატებიათ კიდევ ზუნსკალი, 600 ვერსტის სიშორე. ამასთანავე აღსანიშნავია ის რომ მოლაპარაკეს ხმა პარიზიდან 2800 ვერსტის მანძილზე ზუნდკალში მშვენიერად გაუგონიათ.

აქედგან სჩანს, რომ ეხლა თითქმის არაფერი არ უშლის ხელს პარიზსა და ჩვენს სატახტო ქ. პეტერბურგს შუა, დადგინდეს და მოეწყოს ტელეფონით ხმის გადაცემა.

ყველაზე უმფრო საყურადღებო ის არის, რომ შვედების ინჟინრებს ეგნერსა და გუნარ-გოლმსტრებს უშინჯავთ თავიანთ ახლად გამოგონილი მიკროფონი უმართულო ტელეფონის მოსაწყობათ. პირველი ცდა მათ მოუხდენიათ დანიის ინჟინერთან ვალდემარ რაუსელთან ერთათ (უკანასკნელი ცნობილია შესანიშნავი მუშაობით უმათულო ტელე-

ფონზედ. 1. მიკროფონს, რომელიც დაუდგამთ ლინგში, გადაუცია ცხადი ხმები ესბიერკში (დანიაში). ამ ორ აღნიშნულ ადგილთა შორის ყოფილა მანძილი 280 ვერსტი ლაპარაკის ხმის გადაცემა ყოფილა სამაგალითო გარკვევით.

ამ ახალი გამოგონების შემდეგ მოსალოდნელია, რომ მალე დადგინდეს პირდა პირი ლაპარაკი ყველა სამეფოთა შორის.

(Россия № 1327-1910).

კოლოქშიობა.

დასასრულ ორიოდ სიტყვას ვიტყვი იმის შესახებ, თუ რას უფრო აქცევენ ყურადღებას ახლა, ჩვენ დროში, ცოლის შერთვის დროს და რას გამოელიან ქორწინებისაგან ზოგიერთნი.

ზოგნი ქორწინდებიან მისთვის, რომ შეიღებო, მემკვიდრეები ეყოლოსთ და თუ შეიღი არ ეყოლათ დიდ დარღში და მწუხარებაში ვარდებიან. ცოლებს კაი ღღეს არ აყენებენ. ხშირად რაიმე მიზეზს გამოიგონებენ, ბრალს დასდებენ, რომ თავი განითავისუფლონ და შეძლება მიეცესთ სხვა შეერთონ, რომ მისგან მიეცეთ შეიღები. მაგრამ რა შეაშია ცოლი, როცა მას შეიღი არა ყავს? შეიღის ყოლა უფრო ღმერთზეა დამოკიდებული; ეგებ ქმარზე უფრო ცოლი სწუხს, რომ უქოთ რჩება, და ხშირადაც ასეა, მაგრამ რა ქნას? მას ნუგეში უნდა სცეს ქმარმა ისე, როგორც ელკანმა სცა ნუგეში თავის ცოლს ანნას, უშვილობისაგან შეწუხებულს. „რქვა მას ელკან ქმარს მისმან: ანნა, რაი არს შენდა, რამეთუ სტირ, არა რასა სკვამ და რაისათვის იცემ შეკრდას შენსა, არა ვარ შე უმჯობეს შენდა უფროს ათთა ქეთა?“ (1 მეფ. 1, 8). რასაკვირველია, თუ მოსარჩენია, აქიოთაბს საჭიროებს, უნდა იწამლოს, ამისათვის არც დრო და არც ხარჯი არ უნდა დაზოგოს, მაგრამ თუ არც წამლები და რაიმე სხვა საშუალება არ მიუდგება, ისეთი აგებულობის არის,

რომ შეიღი არ მიეცემა, ძალითი ხომ ვერ-შობს? კაცმა ამისთვის არ უნდა ინაღლელოს და უმთავრეს მიზნათ ქორწინებისა მას არ უნდა ქონდეს ტომის, შთამომავლობის გამრავლება. ასე რომ იყოს, ვინ იცის, რამოდონ კოლქმარს დასჭირდებოდა ერთმანეთის მიტოვება. მაღლობა ღმერთს! ისედაც ძლიერ მრავლდება კაცობრიობა; ადგილებსაც ვეღარ შოვილობენ დასასახლებლად. ადგილმამულისათვის მეზობელი მეზობელზეა, სახელმწიფო სახელმწიფოზეა ამხედრებული, გადამტერებული; მათ შორის ომი, სისხლის ღვრა დაუსრულებელი და განუწყვეტელი. და თუ მაინცა და მაინც გაუკრს, ძმაო ჩემო საყვარლო, საკუთარი მემკვიდრე გყავდეს, განა ცოტანი მოიძებნებიან უბატრონო-უღედმაჰონი, ყოვლად ნიკურნი და ჯანსაღნი ბავშვები? აიღე და იშვილე, რომელიც გინდა. ცხოვრებაში გამოცდილია, რომ შეიღობილები უფრო პატივისმცემლები გამოდიან, უფრო ხედავენ და აფასებენ ამაგს, მათზე დათესილს, და ცდილობენ სამაგიერო გადაუხადონ თავიანთ აღმზრდევებს, დედამის მაგიერობის გამწვევებს, ვინემ ნამდვილი შეიღები, რომლებიც მოვალეთ სთვლიან დედამას მათზე დახარჯონ, რაც კი შეუძლიათ და არ შეუძლიათ; სიბერის, ან ავადმყოფობის დროს კი ყურადღებასაც არ აქცევენ. დაფიქრდი ძმაო ჩემო, იქნება თვითონ შენ ხარ უშვილობის მიზეზი? ხშირად, ძალიან ხშირად აქცევენ ყურადღებას მზითვეს, ქრთამს. ღარიბია საქმრო, ფიქრობს გამდიდრებაზე, სიღარიბისაგან თავის დახწევაზე. მდიდარია, უნდა კიდევ მეტი სიმდიდრე შეიძინოს. მაგრამ ბევრჯერ მდიდარი ცოლის შერთვას დაუღუპნია კაცი. ერთი რომ, ვისაც ბევრი მზითვეი აქვს მოყოლილი, ისე დიდგულად ეპყრობა თავის ლატაკ ქმარს, როგორც მონას. ბრძანების კილოთი ელაპარაკება მას, არაფერს არ ეკითხება, რაც უნდა, იმას ყიდულობს; სკვამს, სვამს და იცვამს თავის გემოვნებაზე, თავისუფლათ ცხოვრობს, საიკენ და ვისთანაც უნდა, იქ მიდის, მოვალეობათ არა სთვლის რამეზე ქმარს „დაეკითხოს და მისგან ნებართვა იიღოს, ე. ი. ცოლ-

ქმარშუა ისეთი დამოკიდებულობა მყარდება, რომ მათი დიდხანს ერთად ყოფნა ძლიერ საძნელაოა. კერძოობითი ქონება დიდ ვნებას აძლევს, ძალიან ასუსტებს ცოლქმრობის კავშირის სიძლიერეს. რომში ნაბრძანევი იყო ერთ დროს, რომ ცოლმა და ქმარმა ერთი მეორეს საჩუქრები არ უნდა მიუტანონო, რომ ყოველივე მათი ქონება ორთავესი საზოგადო ყოფილიყო და ერთმანეთში არ ყოფილიყვნენ, როგორც კერძო თანამონაწილენი. ცოლქმარნი ისე უნდა იყვნენ გაერთიანებულნი, რომ არასფერი სათავთავისო არ უნდა მოეპოვებოდესთ მათ. ყოველივე საბადებელი მათი განუყოფელი უნდა იყოს; არ უნდა თქვან: „ეს ჩემია და ეს შენი“-ო, „სიფარული არა ეძიებენ თავისს“, ამბობს პავლე მოციქული (1 კორ. 13, 5). ხშირად ისიც ხდება, რომ ვისაც ბევრი მზითვეი მიეცემა ხოლმე, ზარმაცობას და დროების გატარებას ანდომებს თავის წუთისოფელს. თავისი თუ რამე გააჩნია, ჩქარობს, როგორმე მალე დახარჯოს; დაიმედოვნებულია მერე ცოლის მზითვეს მიყოფს ხელს, მაგრამ რამოდონჯერ მომხდარა, ცოლს ქმრისათვის არ დაუნებებია დასახარჯავთ რაიმე თავის მზითვეიდან. გარდა ამისა, შეიძლება ცოლი აღრე კვდება, ისიც უშვილო, მზითვეი მისი მის ნათესავეებს უბრუნდებათ და ქმარი, რომელმაც ამ მზითვის იმედით სულ მიახარჯა, რაც რამე ებადა თავისი, ულუკამაპუროთ რჩება. ამისათვის ძმაო ჩემო საყვარელო, ცოლის შერთვის დროს დიდ ყურადღებას ნუ მიაქცევსასძლოს სიმდიდრეს. უნდა იცოდე, პატროსანი ცოლი, თუნდაც დარბი, უკეთ გაგატარებებს ცხოვრებას, ვინემ მდიდარი და მასთან უხასიათო.

„ნუ შეუვრდები შენებასს ზედა დედაკაცისა“ გვარიგებს ისო ზარაქი (25, 18—29). მაგრამ, მგონი, ცოლის შერთვის დროს კაცი ისე არაფერს აქცევს ყურადღებას, როგორც გარეგნულ სილამაზეს ქალისას. მაგრამ ხორციელ სილამაზეს თუ ზედ არ დაერთვის სულის სიმშვენიერე, უფრო ბევრი ვნების მოტანა შეუძლია, ვინემ სარგებლობა. დიდი, დიდი ორი—სამი წელიწადი იქნეს კაცი ცოლის გარეგნული

სილამაზით გატაცებული, მერმე კი რამოდონათაც მოსწონდა, იმოდონათ ზიზღსა გერის, თუ იგი მოკლებულია სულიერ სიმშვენიერეს; უკანასკნელი კი თან და თან იზიდავს კაცის გულს და რაც ხანი ვადის, იმოდონათ უფრო და უფრო მქიდროდ აკავშირებს მათ და უნერგავს მათ ერთმანეთისადმი სიყვარულს. მამათმთავარმა აბრაამმა კარგი მაგალითი გვიჩვენა ჩვენ; როცა მან მოინდომა შეილის ისააკის ცოლის შერთვა, დაქორწინება, მოიხმო უერთგულესი მოსამსახურე ყლიაზარი და გაგზავნა, სადაც ეგულებოდა, იმედოვნებდა იპოვინდა შესაფერ სასძლოს. ვანა ცოტა იყვნენ ქანაანის ქვეყანაში მდიდრები და ლამაზები გასათხოვარი ქალები, მაგრამ არც ერთი მათგანი არ მოინდომა რძლათ მიეყვანა, რძლან დარწმუნებული იყო მათ უკულმართ აღზრდაში. რამოდონი დედები ცდილობენ ბანეთ, სხვადასხვა წასასმელებით, ფერუმარილით გააფაქზონ ქალიშვილების პირისახე, ხელები, რომ მათ გარეგნულმა შეხედულობამ იმოქმედოს კაცის გულზე? სულიერ სიმშვენიერეს კი ყურადღებას არ აქცევენ. „ნუთუ ფიქრობთ ქალებო, რომ ქვეიანი კაცი ნდობის თვლით შემოგხედავსთ და შერთვას მოინდომებს, როცა თქვენ იცვამთ ორქოფების მსგავსს წალებს, ან ტანისამოსს, რომელიც წინ და უკან თავისი ბუფებით ძველებურ ტახტის ფაჩდას მოგაგონებს, თითქოს იგი მკერავი ქალის კი არა, მუშაალიერეს მიერ იყოს შეკერილი? აბა ვინ უნდა შეგამჩნიოსთ სერიოზული აზრები, როცა თქვენ ბაძეთ და აზვიადებთ ტანისამოსის და იმის მორთულობის ბრიყვეულ მოღებს იმ განზრახვით, რომ კაცების ყურადღება დაიმახუროთ? თანასწორათ როგორ უნდა ჩავთვალოს კაცმა, როცა ის გხედავს თქვენ ცისარტყელის ფერ ტანისამოსში? მე თქვენ გარწმუნებთ, რომ კეთილგონიერი ქალებიც ექვის თვლით უყურებენ თქვენს საღს აზროვნებას... მიკვაიერს, როგორ ბედავთ ეხლადელი ტანისამოსით ქუჩაში გამოსვლას! კისერზე იხვევთ გრძელ ლენტს, რომლის თავები თქვენს უკან დაფრიალებენ; ეხლანდელი თქვენი ტანსაცმელი გოგრის მსგავს თავმორთულობიდან და-

წყობილი ჩინურ ჩუსტებადისინ საფრანგეთის გარკვეულ ქალების მოგონილია, თქვენ კი თავი მოგწონს, რომ მათ ჰბაძავთ და კიდევაც წინ გაასწარათ; ყოველ გამვლელ გამომღელს ვნებებს უშლით აქრელოებული, აფერადებული ტანისამოსით, მერმეთ კი გეშინიათ, და როგორც ბავშვები, უჩივით თქვენსავე მოუფიქრებელ საქციელის აუცილებელ შედეგს. სჩივით ქალიშვილს მარტოკა ქუჩაში გავლა არ შეუძლიან, შეურაცხყოფას აყენებენ, სდევნიანო და სხვა. ეს, ბატონო იქიდგან, წარმოდგება, რომ როგორც უნამუსო, ისე ნამუსიანი ქალები ერთნაირად ირთვებიან ზიზილ-პიპილეებით; ძნელია მათში გაარჩიოს კაცმა, ვინ როგორც ცხოვრებისა და ხშირად ერთი მეორეში ურყვენ და ერთნაირად ექცევიან“. მადლობა ღმერთს, რომ იმას სწერს ქალი და მით ამ სიტყვებს ერთი ორად მეტი მნიშვნელობა უნდა ქონდესთ და უნდა იმოქმედონ ქალებზე განათლებული ქალი ყოველთვის უზრდელობად სთვლის მორთულობათ თავის მოწონებას ქუჩაში. გარდა ამისა, რომ ესლანდელი მორთულობა სათაკლოა, ამასთანავე იგი არის ცხოვრებაში უხერხული და ისეთი ძვირი (თუ გინდ ეგრედ წოდებული შლიაპები), რომ ბევრი ოჯახის საშუალებას აღემატება. ჩვენ მუდამ ვხედავთ იმის მაგალითებს, რომ ჩაცმა დახურვა და ფუფუნების სიყვარული ქალებისა ღუპავს, და აღარბებს ქმრებს და მამებს და ხდება კაცის ბევრნაირი უბედურობის მიზეზათ. ყველამ ვიცით კაცებმაც და ქალებმაც თუ რამოდონათ იყიდება ყოველი დალაქის ფანჯარასთან ეს მორთულობა. ვიცით თუ რამდენ ფულს ხარჯავს რომელიმე ქალბატონი თავის მშვენიერ თმებში. ყოველი გონიერი კაცი უნებლიეთ დაიწყებს თვლას, თუ რამდენი დღე, რამდენი თვე უნდა იმუშაოს ქმარმა, რომ ცოლი და ქალიშვილები გამოაწყოს. სამკაულის ტარებას სრულებითაც არ უკრძალავს ქრისტიანული სწავლა-მოდერება, მაგრამ როდესაც მისი მოპოვებისათვის, შეძენისათვის ბევრი სისაძაგლე უნდა ჩაიდინოს კაცმა, ბევრს წააგლიჯოს, ბევრგან მოიპაროს, ბევრს უსამართლოდ მოეკიდოს, რასაკვირველია ამათ-

რად სამკაულთა შეძენა ღუპავს საზოგადოებას-ძარს უთხრის მის კეთილდღეობას. თუ შეგიძლია, დაო ჩემო. საყვარელო, იმოდონი, რომ შენ ქმარს, მამას არ გაუქირდებო ამით და უსვინდისო მოქმედებას ხელს არ მიჰყოფს, შენი გულისათვის სხვებს ცხარე ცრემლით არ ატირებს, ხომ კარგი, თუ არა და რათ გინდა შენ ერთმა რომ გაიხარო, სხვები შრავალნი კი შენი გულისათვის მშვიერმწყურვალნი შიშველტიტყელნი შეიქნენ. კიდევ მესმის ქალიშვილები როცა ირთვებიან და თავი უნდათ ვისმეს მოაწონონ, მაგრამ ქმარიან ქალებს რაღა აქვთ სახეში! ნუ თუ ტანისამოსით თავის ქმრებს უნდა მოაწონონ თავი? ქმრებმა კარგათ იციან თუ რა სახის და ტანის ბრძანდებიან მათი ცოლები; თუ სხვას უნდათ მოაწონონ თავი, მაშინ ხომ ეს დიდათ საწყყენია ქმრებისათვის. ტერტულიანი სწერს: „ქალებო! იყავით დარწმუნებულნი, რომ თქვენ უნდა ცდილობდეთ ოქროსოთ თქვენ ქმრებს, იმათ კი მოეწონებოთ მაშინ როდესაც გატყობენ, რომ არ ცდილობთ სხვას ვისმეს გარეშე ქმრებისა, მოეწონათ“. ორთვე შემთხვევაში მეტი ხარჯი ცოლების მხრივ არაფრით გასამართლებელი არ არის.

უწინ არ ცდილობდენ გარეგნულათ გალამაზებულნი იყვენ, მაგრამ მაშინ უფრო ლამაზები იყვენ სასძლოები, ვინემ ახალა; მაშინ ფიზიკურად მუშაობდენ და ჯანსაღებიც იყვენ, ახლა კი ერიდებიან ფიზიკურ შრომას, სათაკილოთ მიაჩნიათ, ამისათვის სხეული უფრო ნაზი და ძარღვები უფრო მისუსტებული აქვთ და უფრო ადვილათაც დევდებიან. გულისთქმა გაიტაცებს ხოლმე მათ. მგრძნობიერი და წყნარი სინდისით, დიდსულოვანობით, კეთილ და მოსიყვარულე გულით, სიბრალულის მიდევრობით უნდა მოიყვანოს ქალმა აღტაცებაში კაცი და არა ტანისამოსით. ნაცვლად ამ კეთილ სათნოებათა ქალები ცდილობდენ სხვა და სხვა ფერუმარულით, ტანისამოსით, სამკაულით დაიმშვენონ თავი, მაგრამ შეიძლება განა გარეგნული სილამაზით აღამიანმა შესცვალოს სულიერი სიმშვენიერე? „რა მისცეს კაცმა ნაცვლად სულისა თვისისა?“

(მარ. 8, 39). ათასი კარგი სილამაზით იყოს დედაკაცი შემკობილი, ათასი კარგი სამკაულით გაიმშვენებოს მან თავისი გარეგნული შეხედულება, თუ მის აკლია სულიერი სილამაზე, ვერ დაიხსნურებს იგი ქმრის პატივისცემას, სიყვარულს; მით უფრო შესძლდება იგი, რამოდონათაც ცდილობს გარეგნულად კარგად ეჩვენოს და შინაური ბიწიერება დამალოს. რა კარგს უნდა მოელოდეს ქმარი იმ ცოლისაგან, რომლის გული სავსეა ღვარძლით, შხამით, ორკულობით, თუნდაც ძვირფასი აბრეშუმეულობით იყოს იგი (გული) მორთული. რა სიკვავს უნდა მოელოდეს ქმარი იმ ცოლისაგან, რომლის თავი შემკობილია სხვადასხვა ყვავილებით და ძვირფასეულობით, შიგ კი ქუთა ვერაფერი და ცბიერია? ქმარს ზიზღსა გვირინ ყოველივე ეს სამკაულები. პავლე მოციქული სწერს: „გნებაჲს უკვე დედათა წესიერებისა სსმკაუთა მარტხეუდ და დირსსებათ შემკობად თავთა თვისთა, ანა განთხზვიათ, ანუ ოქროთა, ანუ მარჯაბითა, ანუ სამსჯითა დიდფასისათა, ანამუდ რამეჲთა იგი შეენის დედათა, რამეჲთა ადეთქვას სდმრთოსა მსხურება სსქეთა მიერ კეთილთა“ (1 ტიმოთ. 2, 9, 10). ტერტულიანი სწერს: „ქალებო იქონიეთ სახეშო, რამოდონათაც გარეგნულათ იმკობთ თავს, იმოდონათაც სულიერად უნდა განსპეტაკდეთ და სხვადასხვა სათნოებითა შეიმკოთ სული თქვენი. როდესაც თავს იმკობთ ბრილიანტებით და ყვავილებით, უნდა გაგონდებოდესთ, რომ თქვენ, როგორც ცოლები კეთილნი, გვირგვინი ხართ ქმრებისა (თე. 12, 4), როდესაც ძვირფასს საყურებს იკეთებთ, უნდა გქონდესთ სახეში, რომ ვალდებულნი ხართ, არ შეუშვათ ყურში ისეთი მაცთური სიტყვები, რომლებიც თქვენი ქმრებისათვის დამაწყობებელნი არიან, ოქროს ბეჭდები ხელეზზე უნდა გაგონებდესთ, რომ ამ ხელეზზე მოწყალეობა უნდა გაიღონ ღარიბთათვის; ძვირფასი ტანისამოსი, ქათიბები უნდა გაგონებდესთ ღარიბ შიშველ-ტრტულ ქალებს“. მხოლოდ მე ვერ დავეთანხმები იმათ, ვინც გარეგნულ, ბუნებრივ-სილამაზეს ექვის თვალთ მისჩერებია და არავის უჩქევდ ღამაზ სახის ადამიანი ცოლათ შეირთონ, რად-

გან ბერს იტაცებს იგი და თვითონაც ვერ იკავებს თავს. სილამაზე გარეგნული სრულეზთაც არ არის მიზეზი ადამიანის გარყვნილობისა. იოსები გარეგნულად ძლიერ მშვენებრი იყო, მაგრამ მასთან თავშეკავებული, უმანკო ცხოვრების პატრონი. რამოდონი ღამაზი ადამიანია უბიწო ცხოვრების მიმდევარი და რამოდონი მახინჯი სხეულით, რომ სულიერათაც დაცემულია და განხრწნილი. ასე, რომ გარეგნულ სილამაზეს არა აქვს აქ მნიშვნელობა. ვერც იმათ აზრს დავეთანხმები, ვინც გაიძახიან: უწინ ქალები თავს ინახავდენ, შინ ისხნენ, გარეთ არ დახეტიალობდენ, ანაღვაზდა ყმაწვილკაცებს ხშირად ვერ ხედავდენ და თავშეკავებულნი იყვნენო. ასეთი თავშენახულობა ქალისა განა საქბია? ქალი მაშინ არის საქები, როცა მუდამ ტრილებს სსზოგადობაში, ხშირად ეძლევა შემთხვევა შეცდეს, მაგრამ თავს ინახავს უმწიკლოთ.

ყოველივე ზემო ნათქვამიდან ის დასკვნა უნდა გამოიყვანოს კაცმა, რომ პირველი და უმთავრესი საფუძველი ქორწინებისა არის სურვილი ადამიანისა შეავსოს თვისი ხორციელი და სულიერი ცალმზრავობა მეორე სქესის პირთან შეერთებით; სხვა მოსაზრებანი: ან შვილების ყოლა, ან მზითვეი, ან კიდევ სხვა რამე იმოდონათ უნდა ფასდებოდნენ, რამოდონათაც ხელს უწყობენ ამ სურვილის განხორციელებას; და სადაც პირველი არ არის, დანარჩენები სარგებლობის მაგიერ უფრო ადვილად ვნებას მოუტანენ ადამიანს და მის ქორწინებათ კავშირს ხანგრძლივობა არ ექნება.

დეკ. 8. ტყეშადაძე.

დაფარული და გამოუჩვენელი სიზმარი და მისი მნიშვნელობა.

(„სსეფენიადან.“)

კაცის ტვინი, სიზმარში უფრო მუშაობს ვიდრე ცხადში.

გრაფ გენრიხ სტეკომ, შემდეგი მკვლელობის მიგალითი გამოაქვეყნა, ერთ კურნალში, რომელიც ზაიმოჩენილ იქნა სიზმარის

წყალობით. ქალაქ ტარნოვის მახლობლად, ერთმა შეძლებულმა მემამულემ 600 ფლორინი დაჰკარგა. თუმცა ზარალი მდიდარ მემამულისათვის არც ძალიან დიდი იყო, მაგრამ დაკარგვამ მაინც შეაწუხა. ერთხელ ამ მემამულემ თავის ადგილის მოიჯარადრე ინახულო, რომელსაც ფულის დაკარგვის ამბავი უამბო. იქვე შემთხვევით ერთი ლარიბად ჩაცმული, ჩაძანძული ებრაელი, კოსმინტერი იყო, რომელმაც მემამულეს გამოკითხვა დაუწყო, თუ სად, როგორ ან რანაირი ფული დაეკარგა? მაგრამ იმან თითქმის ზურგი შეაქცია ამ ჩაძანძულ, თხოვლის მზგავსად ჩაცმულ ებრაელს. ეს უკანასკნელი კი მიუახლოვდა მაშინ ამ მემამულეს და დაკარგული ფული მისცა. მემამულეს ძალიან გაეხარდა მისი ასეთი პატიოსნება და ამ ფულის ნახევარი მისცა. გავიდა ორი კვირა და ლარიბ კოსმინტერს, მემამულე ძილში ნახულობს. იგი მთლად სისხლში იყო მოსვრილი და აყვედრიდა საჩუქარზე, რომელიც მისი სიკვდილის მიზეზი შეიქმნა.

გავიდა ორი კვირა და სიზმარი კიდევ განმეორდა. მემამულემ, ამ სიზმარით განცვიფრებულმა, მოიჯარადრე დაიბარა და შეეკითხა თუ სად იმყოფებოდა ეხლა კონსინტერი? მოიჯარადრე ამ კითხვაზე გაწითლდა და ფერმა გადაჰკრა. მან მიუგო მემამულეს, რომ კონსინტერი უბრალო მზგავრი იყო და შეიძლება ეხლა ცხრა მთას იქით იმყოფებოდესო. როდესაც ორი დღის შემდეგ კოსმინტერი კვლავ დაესიზმრა მემამულეს და შეატყობინა, რომ იგი ამ მოიჯარადრემ მოპკლა, მემამულემ ყველაფერი გამოძიებელს გადასცა. დაჩხრიკეს მოიჯარადრე, რომელსაც მართლა აღმოაჩნდა წართმეული ფული. დიდი ხნის ყოყმანის შემდეგ, მოიჯარადრე თვითონ გამოტყდა ყველაფერში; იგი გაასამართლეს და სიკვდილით დასჯა გადაუწყვიტეს.

* *

მესსინის კატასტროფის შემდეგ ერთი შემთხვევა ყოფილა, რომელზედაც ფრანგული

გაზეთი „hedina Elena“ სწერს. ერთი გემის მეზღვაური დანიშნული იყო ახალგაზდა ქალზე, რომელიც მიწის ძვრის დროს ნანგრევებს ქვეშ მოჰყვა. უმფროსის ნებართვით ეს მეზღვაური ნანგრევების თხრას შეუდგა, რომ ეგებ თავის საცოლესთვის მიეგნო. გავიდა ოთხი დღე და მუშაობამ ტყუილ უბრალოდ ჩაიარა. დაღლილ-დაქანცულმა მეზღვაურმა ოთხი დღის შემდეგ მაგრად დაიძინა და სიზმარში ხედავს თავის საცოლეს, რომელიც უძახის და გვედრება მას; „მე ცოცხალი ვარ. მოდი და დამხსენი“ო. სიზმრის შეგავლენის ქვეშ მყოფ მეზღვაურმა ამხანაგებს სთხოვა, რომ ნანგრევების თხრა განეგრძოთ, სადაც მისი საცოლე იყო დამარბული. შრომა გამარჯვებით დაგვირგვინდა! ნანგრევებ ქვეშიდან ამის საცოლე გამოათრის, რომელიც მართლა კიდევ ცოცხალი იყო თუმცა. იგი დიჯხანს იმყოფებოდა ნანგრევებ ქვეშ, მაგრამ ორგანიზმი სრულებით არ დაშავებოდა ახალგაზდა ქალი, რომელიც ჯერ ისევ ბურუსში იმყოფებოდა, გამოირკვა გამოთხიზლდა და თავის საქმრას გადაეხვია და დაუწყო კოცნა აღმოჩნდა, რომ იგი ნანგრევებ ქვეშ ღრმა ძილში იმყოფებოდა, თავის საქმრის ნახულობდა და მასთან ლაპარაკობდა. ცხადია რომ ვაჟმა იმ დროს ნახა ქალი სიზმარში, რა დროსაც ქალმა იგი.

* *

1894 წელს, შავ ზღვაზე, რუსის საზღვაოსნო ამხანაგობის გემი „ვლადიმირი“ დაიღუპა და მასთან ერთად ას კაცზე მეტი, რომელიც გემზე იყვნენ. დაღუპულთა შორის სიმფეროპოლის აზნაურთა წარმომადგენელი თავადი კაია-ბეი ხუნკალოვიც ერია წასვლის წინ თავად ხუნკალოვმა ნაფიც ვეჟალ დემაკი-უამბო, რომ მას დაესიზმრა, ვითომ ის გემი, რომელითაც ამან უნდა იმოგზაუროს, წყალმა ჩასტორა — მე უსათუოთ ამ ზღვის ტალღათა წერა გავხდები“ო დაათავა თავისი სიტყვა თავადმა. მართლაც ასე მოხდა იმ გემს რომელზედაც თავადი მოგზაურობდა, სხვა გემი

დაეჯახა, დაიღუპა გემიც და თავადიც. დაღუპული თავადი ხუნკალოვი მთის გამოჩენილ მემამულე თავადთა უკანასკნელი მემკვიდრე იყო, რომლებიც წასულ საუკუნის ბოლოს, ყირიმში გადმოსახლდნენ. ამგვარივე სიზმარი ნახა მისმა მეორე თანამემამულე ვეკილმა შიკ-ნადეედიშმა, რომელმაც ამის წყალობით თავის მგზავრობა სევესტოპოლიდამ ოდესამდე გადასდო და მით გადაარჩინა ოჯახი დაღუპვისაგან. ამ გვარივე სიზმარი, გემის დაღუპვის შესახებ, ერთმა ჩინოვნიკმა ლ. ი. ლ—მაც ნახა, რომელიც გამოგზავნილი იყო გზათა მინისტრისაგან, ნავთ სადგურებთან დასათვალიერებლად. ღამით ლ—ი კვნესოდა ყვიროდა „მიშველეთ“ო და ხელს აქეთ იქით აქნევდა ამ სიზმარმა ისეთი ზეგავლენა იქონია რომელზე, ერთი თვის შემდეგ როდესაც იგი იძულებული იყო სამსახურის გამო, ზღვით ემოგზაურნა, აზრი გამოსთქვა, რომ „უსათუოდ დაღუპებოდა—როდესაც გემი დაღუპვის ამბავი გამცნოს ტელეგრაფში, მაშინვე შავი სამგლოვიარო ტანისამოსი შეუკვეთე—უთხრა ცოლს ლ—მ. ცოლის და საუბედუროდ სიზმარი მართლა აცხადდა.

(შემდეგი იქნება).

კალუათელი ბათლომე

სალამო საბავშო ბაღში.

27 მარტს საღამოს 6 საათზე ქუთაისში არსებულ საემსწავლო ბაღში განმართა საბავშო საღამო. ჯერ ათამაშეს და ამდერეს ეგულა მასწავლებლები, შემდეგ ბავშვებმა ახსრულეს ერთი რუსული და ერთი ქართული თითო მოქმედებანი წარმოდგენს და წაიკითხეს ზეპირად რუსულად და ქართულად რამდენიმე ლექსები, ბოლოს დასდგეს ცრცხალი სურათები, ეგულაფერში მონაწილეობას ღებულთბდენ მარტო იქ მასწავლე ბავშვები (ქალებიც და უკუებიც).

საღამოს დაესწრო სხვადასხვა სკოლების დირექტორი ლ. ი. სემიანოვი, ბავშვების მშობლები და

სხვა და სხვა მასწავლებლის მასწავლებლები. უდგილობის გამო მიწვეულ ზირთა რიცხვი განსაზღვრული იყო. დამსწრე საზოგადოებამ მშვენიერი შთაბეჭდილება მიიღო. უმეტესობასთვის რადიკალური დაუფრებელი შემთხვევა იყო, რომ ხუთი ექვსა წლის ბავშვები ასე თავისუფლად, შეგნებულად და თამაშით ამბობდენ ლექსებს და მოქმედებდენ სცენაზე. დიდი მადლობის ღირსია მასწავლებლის გამკვე მარამ კოსტანტინეს ასული იოსელიანი და მასწავლებლები, რომელთა შრომის ნაყოფი ცხადი და თვალსაჩინო იყო ეგულასათვის.

სამწუხაროთ უნდა აღვნიშნოთ, რომ ამ მასწავლებლს დიდი თანაგრძნობა არა აქვს საზოგადოებაში და მასწავლეთა რიცხვიც სულ 39 მეტი არაა; ამის მიზეზი ჩვენი აზრით, უნდა იყოს ერთი მხრით ის ვარკმეობა, რომ ამგვარი მასწავლებელი ახალი საქმეა ქუთაისში და ჯერ ყველაგერ იცნობს მას და მეორე მხრით ის, რომ მასწავლის ფასი 65 მანეთია წლიურად, რაც, ალბათ, უმეტესობას ემსიება. ბავშვების რიცხვი რომ მეტი იყოს, მასწავლის ფასის დაკლება შესაძლებელი იქნება და ეგულასათვის კარგია.

სასურველია საზოგადოებამ უურადღებო მიქციოს ამ მასწავლებლს და ისარგებლოს მით ისეთ ძნელ და რთულ საქმეში, როგორც არის ბავშვების აღზრდა.

ტ.

განცხადება.

„ზინაური საქმეების რედაქციაში“

იყიდება შემდეგი წიგნაკები:

- 1, წიგნი წიგნთა ფასი — — 5 კაპ.
- 2, სწამთ თუ არა მეცნიერებს ღვთის არსებობა — — 5 კაპ.
- 3, ქრისტე ღმერთია? — — 10 კაპ.
- 4, ქრისტიანობა ბებელის ლიბორატორიაში — — 10 კაპ.
- 5, ათეიზმი, მისი წარმოშობა და გავლენა მეცნიერებასა და ცხოვრებაზე — — 10 კაპ.

ვიც ერთად ოც ცალს ან მეტს დაიბარებს მანეთზე აბაზი დაეთობა.

რედაქტორი, მღვდელი სიმონ მხაილიძე.
გამომცემელი იოსებ ლაშავა